

ISTRUZIUNS

1	I Ves periun bel da destodé le fonin y da le mête sön mësä.	
2	SCRIEDE MA CUN TINTA FOSCIA O BÖRNA (biro o pëna).	
3	Scriede fora la scheda cun i dac anagrafics, mo no la sotescriede .	
4	PROES D'EJAM Proa de comprenjiun tl ascuté sō y tla letōra: ma ōna na resposta é dërta. Sce i aratëis che i se ëis falé y i orëis comedé valch, straichede la crusc falada depenjon suraia a fosch y metede na crusc nōia. I sēis peria da ne scrí nia comentars sciōche sce/nou, vëi/falé, fá saites, asteriscs o d'atri sēgns. Chisc vëgn dūc conscidrá sēgns de reconescimënt y comporta l'anulamënt dl ejam. Proa scritta (tema): Por i liví B1, B2 y C1: al é da scrí dui temesc y por fá chësc s'anūzon dl sfōi de protocol tla gran coperta. Anuzesse de n sfōi de protocol por vigni lingaz y ne stede a fá sēgns de reconescimënt o d'ater che podess fá capí che che i sēis. Tignisse ai limic a na moda da lascé assá lerch da fá les coreziuns. An pó fá la burta copia sön la quarta plata dl sfōi de protocol. Al gnará ma ciaré jō la bela copia. Por le livel A2: al vëgn damané da scrí dui tesé cōrc sön la plata de laur. Tignisse al limit de parores dé dant y scriede le numer complessif de parores jōinsom le test. Al é n limit de toleranza dl 10% implū o demanco. Al ne vëgn nia tigní cunt de ci che i ëis straiché o metū danter parenteses.	
5	Scriede a na moda che ara vais da lí. Sce i orëis scrí cun la scritōra da stampa messëise desfarenzié sciōche al toca danter lètres scrites gran y lètres scrites pice .	
6	Fajede les domandes che reverda l'ejam dal banch y dadalt.	
7	Canche i ëis rové la proa scritta metede dōtes les plates che i ëis ciagé tla gran coperta. Sotescriede dan la comisciun sides la scheda di dac anagrafics che la lista dles presënzes.	
8	Osc laur vëgn anulé, sce ➤ i scriëis cun tinta che n'é no börna no foscia o cun le raisplais; ➤ al é sön na plata sēgns che indichëia osta identité (p. ej. osc inom y cognom, osta sotescriziun o d'atri sēgns de reconescimënt); ➤ ōna o de plū plates de laur é scarzades; ➤ al vëgn adoré le mangiatinta, vëtes o licuig de coreziun (tipp-ex) o mesi somiënc; ➤ tla pert scritta ne vëgnel nia adoré le lingaz scrit dant; ➤ ōna dles plates (plata de laur o de protocol) ne vëgn nia dada jō; ➤ ma por l'ejam de bilinguism: sce trami i laurs scric por todësch y talian vëgn scric sön le medemo sfōi de protocol	I gnëis SLTÜTA/STLÜT FORA dal ejam, sce i ➤ scriëies jō da zacai, baiëis o comunichëi a val' manira cun les atres candidates y i atri candidac. An pó ma baié cun les comëmbres/i comëmbri dla comisciun d'ejam; ➤ jëis fora dl local d'ejam da sora/da su tratan l'ejam. An pó ma jí fora tratan l'ejam sce al vá assolutamënter debojëgn y a vigni moda ma cun na comëmbra/n comëmbër dla comisciun d'ejam; ➤ se tolëis para papier, anotaziuns, libri o publicaziuns de ci sort chessí tl local olache al vëgn fat l'ejam y ti ciaréis. An pó ma adoré les plates metüdes a desposiziun dala comisciun d'ejam; ➤ adorëis le fonin o la smartwatch tratan l'ejam.
9	L'orar dla proa a usc vëgn taché sō dlungia üsc defora dal local d'ejam. Les cater perts dl ejam vëgn dōtes stlütës jō le medemo de.	

ISTRUZIONI

1	Ve prion bel de studé l fonin y de l mēter sun mēisa.	
2	SCRIJĒDE MÉ CUN TINTA FOSCIA O BRUMA (biro o pēna).	
3	Scrijēde ora la scheda cun i dac anagrafics, ma ne la sotsrijēde nia!	
4	PROES D'EJAM Proa de comprenscion tl scuté su y tla letura: mé una na risposta ie drēta. Sce ratēis che ve ēis falà y ulēis mudé velch, straichēde a fosch la crēusc faleda y metēde na crēusc nueva. Sēis priei de ne scrì no cumentares sciche sci/no, vēira/falà, fé sēites, asteriscs o d'autri sēnies. Chisc vën duc cunscidrei sēnies de recunescimënt y cumporta l anulamënt dl ejam. Proa scritta (tema): Per i livei B1, B2 y C1 iel da scrì doi temesc y per fé chēsc iel da adurvé la plates de protocol tla gran cuvierta. Nuzēve de na plata de protocol per uni lingaz y ne fajēde degun sēnies de recunescimënt o auter che pudēssa dé da ntēnder chi che sēis. Tenive ai lims de lerch acioche l posse mo unì fat curezions. N possa fé la burta copia sun la quarta plata dla plata de protocol. L ti unirà mé cialà ala bela copia. Per l livel A2: l vën damandà de scrì doi tesć curc sun la plata de lēur. Tenive al lim de paroles dat dant y scrijēde l numer de duta la paroles japé dl test. L ie na toleranza dl 10% plu o manco. L ne vën nia tenì cont de cie che ēis straicà o metù danter parenteses.	
5	Scrijēde a na maniera che n posse liejer. Sce ulēis scrì cun i pustoms da stampa messēis desferenziē sciche l toca danter i pustoms che vën scric grant y chēi che vën scric pitl.	
6	Fajēde la dumandes che à da n fé cun l ejam adaut y da ulache sēis sentei/sentedes.	
7	Canche ēis finà la proa scritta metēde duta la plates che ēis giapà tla gran cuvierta. Sotscrijēde dan la cumiscion sibe la scheda di dac anagrafics che la lista dla presēnzes.	
8	<u>Vosc lēur vën anulà sce</u> ➤ scrijēis cun tinta che ne ie no bruma no foscia o cun l rispl; ➤ l ie sun una dla plates sēnies cun chēi che n pudēssa recunēscer vosta identità (p.ej. vosc inuem, vosta sotscrizion o d'autri sēnies de recunescimënt); ➤ una o de plu la plates de lēur ie zaredes; ➤ l vën adurvà l maiatinta, vētes o licuic de curezion (Tipp-Ex) o mesuns semienc; ➤ tla pert scritta ne vëniel nia adurvà l lingaz damandà; ➤ una dla plates (plata de lēur o de protocol) ne vën nia data ju; ➤ mé per l ejam de bilinguism: sce tramedoi lēures, chël per tudēsch y chël per talian, vën scric sun la medema plata de protocol	<u>Unirēis stluta/stlut ora dal ejam sce</u> ➤ scrijēis ju da zachei o rujenēis o cialēis de comuniché a vel' maniera cun d'autra candidates y d'autri candidat. N daussa mé comuniché cun la cumēmbres y i cumēmbri dla cumiscion d'ejam; ➤ jēis ora dl local d'ejam da sēula/sēul ntan l ejam. N daussa mé jì ora ntan l ejam sce l ie assolutamēnter de bujēn y te uni cajo mé cun l acumpaniamënt de na cumissera/n cumisser d'ejam; ➤ tulēis pea papier, anutazions, libri o publicazions de uni sort tl local d'ejam y ti cialēis. N daussa mé adurvé la plates metudes a despusizion dala cumiscion d'ejam; ➤ ve nuzēis ntan l ejam dl fonin o dla smartwatch.
9	L orar dla proa a usc vën tacà su pra usc dedora dal local d'ejam. La cater pertes dl ejam vën stlutes ju n l medemo di.	